

〈遊覽車埕火車站〉

造化鍾神秀，孤峰半倚天。
朝嵐漫危巘，玉宇洩飛泉。
伏檻沁山氣，盪胸凌九玄。
乘翎破銀靄，與驛共嬋娟。

註：驛—驛站，指車埕火車站。

〈少年遊·大凍山迷佚記〉（別格）

光華透迤，驚禽斷續，寒氣脆輕裘。奮指遙岑，誓同望旭，怎奈失春儔！
聲聲喚，竟無人語，零落一身秋，遠訊難憑，不如歸去，直是苦淹留。

National Chung Hsing University

〈遊訪集集「快樂農家園」〉

拏芳踏翠圍墟尋，偶值飛橋渡泊心。
不盡儵魚浮水白，無邊葵錦向陽金。
風飄點點蝶舞徑，英落翩翩紅滿岑。
一臥蒲衢時節晚，橫空玉斗透蛩吟。

註：儵，又名白儵、白鱗，性喜出游水面的小白魚。

〈夜遊集集火車站〉

四圍冥色中，繁星宿灝穹。
乘興余獨往，巷衢誼竟終。
逡巡疏影破，悵惘廣庭空。
料峭春寒裡，蒼茫鎖寂風。

註：誼：喧囂吵雜聲。

〈霧靄溪頭〉

層雲迷迤道，環顧邈冥冥。
皚曙千霏湧，寒氛萬里屏。
終天逐林靄，轉眼逸歸陁。
聆望何處是，飛泉揚四泠。

〈詠溪頭千年紅檜神木〉

雲浪拍銀玄，蟠龍偃碧巔。
橫觀蹤絕峴，縱覽檜沖天。
樹杪翻崇壁，暄陽動遠煙。
歲時千度轉，精魄萬年傳。

〈慰友文〉

晨瑀同學慧鑒：茲啟者，不覩芳儀，瞬息匝月，一經隔別，境異情深。對此垂柳牽愁之日，輒懷思馳念之情，與時俱積。正切停雲，驟聞汝休學一事，不禁令余黯然神傷。雖曩昔吾輩嘗促膝長談爾之情志與健康狀態，知汝雖身心俱疲，仍奮不顧身，欲致力完成學業，此堅毅之情，委實讓人為之動容。然今日余驀然回首之際，卻獨見汝不告而別之姿，讓吾惶恐驚愕不已也。此音訊彷彿一陣奔騰驟至之蕭颯風雨，非但令人措手不及，且讓人無所適從。祇能遙訴吾心最深沉之慨歎，以聊表繾綣不盡之思也。

猶記汝鬱塞頹喪之志與愁雲慘霧之貌也，卻殊不知汝之病況竟是重度憂鬱。嗟哉，汝之羸弱之軀，何能堪此乎！令吾不勝唏噓焉。望汝居處家室休身養息，

經歷時間之洗禮與專業醫療之診治後，能昂首闊步自侘傺深淵躍出，而成為新造之人也。

綜觀古今之人，孰無鬱悒之情哉！祇不過彼等皆能於思慮漸明之際，跳脫囿限，以善易惡之念兮，故能自適樂道也。夫日月並無私燭之情也，而四時亦無私運之舉也，面對學問苟能砥節立行，學而時習之，則不解之處，必能因智識之積累，而臻至豁然之地，故萬莫墜己於妄自菲薄之謬思中，以免憤懣不得舒，終日慘愴怛悼，而加重病情，反致私恨無窮矣。

昔有佝僂者，承蝸猶掇也，其非異能也，乃熟能生巧所致耳。求學之道亦如是，苟能專注凝神，用志不紛，不以外物易初衷，則何為不可得焉？故汝不應視己為身殘處穢之人，而自以為智窮罪極，與螻蟻無異，而不顧求生之計，欲鄙陋歿世，此舉斯不大愚乎？

聖經有言：「壓傷之蘆葦，神必不折之也，而將殘之燈蕊，神亦不滅之也。」故冀汝凡事盡己力，雖志不能至，亦可無悔矣，其孰能譏之乎？尚望 汝屏除雜慮，靜心調養，吉人天相，必可漸次康復。吾以道遠，未能趨省，殊深歉疚。祇得因風寄意，略盡所懷。特此奉達。順頌

時綏